



志壑堂集

十五

13



門和  
孫  
卷  
15

濟南唐豹出

# 志壑堂後集刪

莊山書屋藏板

志壑堂集序



余每觀才士之不得志於時者必有憂愁抑鬱感憤不平之氣卽或超然遠舉而山川之跋涉草木之榮落鳥獸蟲魚之狀類觸於目而感於心有不自覺其言之悲者豈非榮悴之念未忘見道之未明歟淄川唐先生豹崑年弱冠成進士官翰林未幾以建言去國夫翰林非有言責者也使稍自委蛇從容乎銅馬之署循資計序不十年間可以致卿相斯卽有忠臣愛國之心緘口而不吐世亦未



有非之者乃先生奮然不顧於學術之邪正人才  
之進退侃侃而爭宜乎其不得志於時矣先生既  
罷官經濟之略無所施於是盡發之於文章成志  
壑堂集若干卷余獲盡讀之其說經也折衷乎漢  
宋諸儒之言而歸於是其論事也洞晰乎利弊而  
不涉於影響其詩清麗而不縛其詞豪邁而不流  
舉凡山川草木鳥獸蟲魚人觸之而悲者先生遇  
之而樂自去國以來至於今數十年未嘗有幾微  
愁嘆之色至於民生之疾苦世道之澆漓不憚動

色而相告若先生者其不謂之見道之明者歟丙  
寅秋先生訪余歷亭屬余爲序余鹿鹿簿書未有  
以應先生凡三遣書索之余又烏敢以不文辭抑  
余聞先生往者游南方萃車竹杖桐帽棕鞵其相  
與往還者皆山林顛顛之士所至輒變易其姓名  
以避當事者之物色夫他人求一見而不可得而  
余獲序先生之文是余之幸也夫

康熙丙寅仲冬京口張鵬謨



書志壑堂集後

安德田 雯誤

淄川唐翰林濟武先生刻其詩古文詞共若干卷  
名之曰志壑堂集集成寓余一編且屬一言殿於  
後余受而卒業其詩沉鬱頓挫兼唐宋大家之長  
其文根極理要刺取古今而折中於六藝至於事  
關民生語及經國津津乎有味其言之矣然余獨  
有感於論玉匣化書一疏也夫二書之名世不經  
見要其大旨蓋亦浮圖老氏稗官小說之別出者

耳余嘗讀漢書藝文志乃載六藝古今異同諸儒  
前後訓故當矣若夫名法陰陽縱橫雜說至於街  
談巷語道聽塗說者之所造不既濫觴乎最下而  
房中之鄙褻方技之睠昧神仙之誕妄尤非人主  
之所有事矣然當是時無不兼收並採條奏篇目  
貯之石渠天祿之藏唐四庫書因其舊而加廣焉  
蓋自漢至今以爲例也久矣

先皇帝雅好儒術 經筵之暇及百氏蓋亦慕循  
前代之博雅而微近於玩物未爲事之大者先生

猶毅然拜疏爭論其失若事有大於此者其必不  
肯嚙喙唯諾俛仰從衆亦審矣世之官翰林者盡  
如此其有不爲館閣生色諫官竦聽者乎乃先生  
卒爲枋事者所中罷官歸去當時之議必謂翰林  
非諫官不宜越職言事夫校其書而辨其書之真  
僞得失自是翰林之事何乃越也如此之論必盡  
毆天下敢言之人爲寒蟬爲伏下馬而默默苟容  
者又不獨翰林爲然也豈爲

國家之福哉讀先生之文者其有所感也夫抑有

所愧也夫

天不遺言古人感其志而後其言  
其言不立於世則其言不立於世  
其言不立於世則其言不立於世  
其言不立於世則其言不立於世  
其言不立於世則其言不立於世  
其言不立於世則其言不立於世  
其言不立於世則其言不立於世  
其言不立於世則其言不立於世  
其言不立於世則其言不立於世  
其言不立於世則其言不立於世

志壑堂集序

古今來以文章名者不乏而人品各分有賢者焉  
而世以為鳳凰騶虞是文之瑞也有不肖者焉世  
以為鴟鴞檮杌是文之妖也夫賢者其文錦繡珠  
玉也其人鳳凰騶虞也世所不怚有也不怚有而  
有之謂之祥固宜即人之不肖者詎必無錦繡珠  
玉之文哉而既以鴟鴞檮杌目之則雖文如錦繡  
珠玉弗貴矣不謂之妖不可也嗚呼文章之傳不  
傳其傳之幸與不幸豈非人哉如賈生之策治安

相如之諫遊獵子美之收京行在諸詩退之之佛骨表原道諍臣等論皆主於忠君愛國衛正闢邪故能勒金石垂穹壤佐佑六經焜煌來禩唐之李嶠常袞雅負文名獨惟以釋迦玄元瑞應上表稱賀其言諛諛荒誕與附會天書者何異至於楊雄劉向江總王維之徒竝詞人之驪淵卒以名教玷缺爲世大詬更不足道矣今天下才皆不逮子雲顧脂韋澳忍之行或有甚焉世人多見而少惟遂不復指爲不祥之物而苟得一行諠文章如賈生

諸人者真不啻鳳凰騶虞之瑞矣吾嘗好持此論而莫予同淄川唐濟武先生含醇咀華轍古切今經史百家靡不抉其奧發攄筆墨矯矯落落不屑拾牙後慧陸平原云杼軸於予懷怵他人之我先李文饒日文之爲物自然靈氣恍惚而來不思而得有庶幾相似者方其妙年登詞館凌厲煥爛意不可一世未幾罷歸田里影纓建旄視之泊如惟立言以期不朽蓋先生翔步風雅之林研心性命之闔闡鄒魯紹濂洛排佛老斥申韓廩廩乎爲

志齋文集序  
斯世仔肩墜緒障百川而砥狂瀾者其志非苟然  
已也性嗜遊沂淮浮江歷覽吳越荆楚之勝嘗語  
我欲杖屨周五嶽退以一壑終老故堂曰志壑以  
自名其集焉夫人無真性情必無真學問必無真  
文章先生之文章真性情學問也世之竄名文字  
籍者谷量石計其工者不過鸚鵡之舌孔雀之毛  
耳而睥睨自豪謂我掉鞅文苑班馬當避三舍我  
建標詩壇沈宋且不得一坐席嗟乎紫色繩聲奪  
朱亂雅岌然有世道翟朱人心桑濮之懼焉若夫

俗學小儒模擬剽賊日取長沙茂陵浣花潮州者  
而掇其皮礫其膚襲其衣冠面貌曰我某文漢也  
我某詩唐也試削去其古人詞句則糟粕土苴而  
已枵然何有哉嗚呼以偽混真殆子厚所謂牛首  
卽古皇俱頭皆至聖也烏乎可先生不爲荀同獨  
以正誼明道原本經術之學自樹準的退之有言  
孟軻之功不在禹下先生之志又豈在昌黎下耶  
大抵先生詩文出入秦漢三唐而化其軼迹天下  
最傳誦者尤玉匣化書一疏謂人主宜崇正學畸



術邪說不當進覽當是時以史官而爭諫官所不敢爭批鱗觸網幾蹈潮海之禍而


一祖章皇帝特賞之雖其志與佛骨同然先生遭逢

聖主身全名立何獨幸與聞其居般水之陽與子年

伯司寇念東高公徜徉詩酒司寇古君子也鳳鸞

和鳴九苞必耀讀廬陵之文益想見徂徠不置云

康熙丙寅午月瀛洲宮夢仁定山氏題



志壑堂後集序



著述家中無所得雖滿紙剽竊古人聲情俱似譬諸梨園樂工登場爨演非不歌泣宛然真偽自別也中有所得者必積厚而光自流居嘗沉酣乎理學之奧任其所遭無入而不自得然後發而為言其指遠其味長曲而中肆而隱不知者怖猶河漢其知者服其識其才其學之難能而作者之心胸為飛魚躍弄月吟風觸處皆性情之所得耳矣豹喙先生具蓋世之材未究其用山居學道垂

三十載世俗榮利嗜好一切不動于中抗疏歸來力探理學宗旨多儒先所未發此外當世生民利病亦時時見于楮墨自謂不得試諸實用者庶幾托空言以傳是吾志也然則先生豈山澤癯哉理學經濟闕而不耀桓譚而在不知如何太息矣與會所至溢爲詩文才片晷不屬草輒就無意摹古而自然逼古其自得也深故其爲言也左宜而右有學者叩其所得愈挹之而愈不窮拾其片語單辭皆可垂世而行遠先生之識之才之學以視撥

拾唾餘移此儷彼爲能事甚至分立門戶標榜爲名高者真偽之別奚啻霄壤哉先生志壑堂初集浙中諸當事旣刻之武林遠近士大夫多口誦而心儀之而先生雅不欲自鳴有得也自辛酉迄丙寅又六載而後集復成其後集詩文方余假館淄川時經覽觀者因郵書于余命爲序謂知先生者莫余若也顧余亦何能知先生前年西河毛太史與余書中亟稱之矣云先生理學得孔孟真傳不襲章句猥陋詩文得漢魏六季三唐根株不詭隨

虞山謬談其外此哀然羅絡萬有又無論已又云  
 僕初入長安極詬詩學之衰後入史館歷爭辨姚  
 江理學之正恨人微言輕徒見斥辱今淄川先生  
 何許自命何許表見而其學其文乃如此彼膠錮  
 自棄者不亦可憬然返耶嗚呼若西河者其知之  
 矣然西河實未識先生而余又未識西河少陵所  
 云文章有神也特駑鈍如余了無一得者耳余何  
 言余今卽以西河先生之知先生者自附于知先  
 生先生其終許我乎否耶

康熙丙寅立夏日錢唐後學吳陳琰寶崖氏拜題  
 于桂蔭堂之南軒



唐濟武太史小傳

武林王 暉 丹麓

辛酉六月讀志壑堂集慨然有慕公之爲  
人因節畧集中語編輯爲傳以自鏡云

太史唐公名夢賚字濟武淄川人也父有隱德生  
公少負異姿髫年間父讀書以何句爲要父云在  
止於至善時雖從事章句遂知求程朱之學迨二  
十三歲登上第入詞林三年授史官言論丰采雄  
眎一世舉朝咸以公輔目之時

皇帝初親大政一日有中涓捧二冊書至政事堂命詞臣之通國語者翻譯以進乃玉匣記佞帝化書也公勃然曰此非聖之事何由得徹

御覽吾當爭之詰旦拜疏陳說孔孟之道謂不在六經之科者不當僉進越數日又爭御史張煊給事陰潤事侃侃數十百言皆甚切直

上頗感悟然惡之者必欲得而甘心焉卒賴

聖明僅罷官去公不以介意退居般水之陽閉戶讀書益肆力于詩歌及古文辭流布人間世共推

服而自以爲期登作者之堂未逮也性耽山水日與司寇高公念東宮詹李公吉津徜徉嘯傲爲林下遊興之所至歷燕趙吳越悠然忘返到處輒以濟人利物爲念在廷諸大臣聞其風高其行事有欲薦之者公遁跡惟恐不深雖姓字亦不輕示人桐城方樓崗學士偶至廣陵一大僚問曰公同年生有方吉者平方愕然大僚曰且有懷是刺見顧者問何事曰自山東來將訪道于豫章微聞其從者曰已丑進士也故問公方曰此必予友唐濟武

也拆其唐字爲姓名耳追之不及嘗再過武林葬  
林公鐵崖于湖上又爲其子畢姻錄其遺集而去  
林爲同譜實未嘗一面也高義大約類此跡其人  
具經濟才凡天經地志性理體數會計之書無不  
貫綜洞悉其志忠勤慷慨有致君堯舜之思其制  
行樸誠峻潔不遷回以取容于世而好惡發中意  
氣凜舉其詩文溶鑄萬象包括衆有要出自性情  
遂能樹表啓疆斐然成家平生所著約數十萬言  
皆窮極理奧其間籌餉積穀銅鈔改漕之法尤鑿

鑿兩見之施行卽文字明白愷摯識者謂賈長沙  
陸宣公無以復過乃竟不得一試其言何哉

唐豹喙太史生壙誌

予與豹喙太史居同邑仕同官晨夕過從講業又  
謬稱同志則習太史者莫余若也乃數年前卽以  
生壙志授簡於予予笑而未之應也越歲將爲小  
草行太史復申前說予曰姑俟後命迨予戢影長  
林請不已余曰見耶時夜未聞士君子如此其急  
也彼靖節之文王官之誌亦曠嶮已近桑榆無多  
偶然乘輿爲之耳君壯年何汲汲如此夫世人之  
溺於生而畏死者彼未嘗無說以處此亦頗悉其

唐大史生補記  
情狀乎昔人之於謝世也易其名曰不諱則知自  
墮地以來其諱之也淡矣久矣故齋畔白楊席前  
薤露古人傳爲異事良有以耳而士大夫之視其  
死也其珍重又萬倍于編氓焉意固曰生之有死  
其說誠共聞矣然或如眇者之於星躔止天官論  
理之詞已耳何得信以爲真也且人生五欲無涯  
譬之繡嶺阿房正可千年遊宴悠悠天地豈有黃  
壤青燐我輩亦復俛首托足者乎卽令大歸不免  
而日月方長某雖不敏出其緒餘亦當方駕蕭曹

挈衡衛霍而麟閣未圖鼎鉉未掌午橋梓澤尙遜  
前賢蛾眉鳳毛尙多缺事正笑彭篋小豎子耳把  
袂分麾良非難事何匆匆遽爲黃腸早計也嗚呼  
此亦浮生大共之情而今古一丘之貉矣頃讀君  
雲間日錄諸詩偶抱微疴便期觀化不減琴張桑  
戶之歌可謂達人高致矣予亦何妨戲命管城共  
作一劇乎乃爲之誌曰君姓唐諱夢賚字濟武豹  
岩其別號也蓋世居豹山之麓云幼卽岐嶷下筆  
能爲古文詞邑人不知也往年予有事西郊縶馬



古祠下摩娑貞岷讀而異之已乃知爲君筆時方  
未舞象云甫踰弱冠登第選讀中秘書卽岳岳以  
前賢自淬勵時

章皇帝初親大政遣中涓捧二冊書至政事堂命詞  
臣之通國語者翻譯以進乃玉匣記佞帝化書也  
君勃然曰此非聖之書何由得徹 御覽吾當爭  
之詰旦草疏陳說孔孟之道不在六經之科者不  
當並進時輔臣范洪兩先生止之不可疏畱中不  
下會請假葬母業得

旨行有日矣又攻言官之甄別而反噬及依違反  
覆毀譽者遂罷歸歸而學益進古文詩歌日益富  
以新穎自得爲宗不寄人籬下也而兼殫心經濟  
大業以民日瘠而國用未充也非採劉巴昭烈之  
遺事以銅作鈔救之不可蓋人物貴賤何常之有  
惟人主能變化而操其權故韋布而登之朝則公  
輔矣卿相而斥之野則輿臺矣泉府之用亦然苟  
可以充正貢市恒產能立徙木之信豈憂左藏之  
貧哉由是而增百官之俸可以育廉臣蠲三年之

唐太史公生傳記  
租可以廣仁政此救時宰相之識惜無能聞之  
九重者今已授梓行海內所謂志壑堂集是也而  
復鞭心於性命之學亦日新予頃者細叩所自得  
則告予曰不佞甫受書先君子卽以止至善一語  
時時提命而茫無所入也予罷官時先生不贈以  
詩有志能自見復何憾士所當爲尙自多乎此句  
時時在目未能忘也先生補官北首東郊折柳時  
不日但能求放心其勝餽贖固多乎此語時時在  
耳未能忘也乃求之宋儒性理諸書汙漫而不入

因念孔門求仁爲第一義茫無會心處爲一禮字  
顛撲不破者數年一日歲暮見羣兒爲擊木之戲  
畫卵畫河爭論不一恍若有所悟蓋力大者欲遠  
於河力小者欲近於河遂使先聖制禮之意昭然  
如在目前已而閱宋史至曹武惠引車小巷避匿  
朝臣不覺失笑曰禮在是矣顧以是爲仁依前扞  
格不能自信迨庚子改葬先慈乃屏居村中遂一  
意靜坐依天台教旨由繫念以至無念可繫覺此  
身忽升九天忽墜九淵已而忘世忘身兀兀然無

我矣一日忽見念發如香烟一縷起自臍輪始復知有身世古人云未發氣象又云一念未生前寧有異旨哉儒釋之合其在是矣過此讀古人書始覺了然而於朱文公諸書往往有所抵牾乃細閱其全集有云向來集註只作一篇文字看了未免頭上安頭者不待王陽明諸公更爲之解也又其易簣之前一夕尙改大學誠意章註其學亦日進矣而後儒乃守其未定之書比於爾雅不熟豈不善述者乎予倘荷天假之年得搜集先儒之說折

衷以補註之所未備誠爲愉快矣君之語我如此其從事於先聖之傳也不亦濶乎余因語太史曰學人以宗聖爲指南夫三聖人之道遠矣伯陽曰長生迦文曰無生而仲尼曰知生乃儒者於知生則訓詁置之耳精氣遊竟幽明之故大易所言者亦曾一深思否乎至長生則詆以爲誕無生則訾以爲狂一笑揮之有餘矣亦知三聖人婆心切切於此濶乎夫儒以人道庸行爲主故有所罕言以可以語上者難其人故也柱下者養生之學也令

生而可不養也慎疾者何以等於齋戰之瞿瞿而於子淵則哭之慟於伯牛則悼之深乎彼專氣而致柔也谷神位牝之爲天地根也固也而又曰死而不亡者壽仁者之壽孰大於是乎至於印度無生之說義更深而錯會者更多矣或以其生之所未快而欲償之於夜臺也是將據閻浮主者之座而攝遮須國王之璽也不亦貪婪乎或撒瑟而卽齊質於木石也是黃頭外道之宗也不且斷滅乎又或不達漆園針砭之旨而信南面王之樂爲大

據也是纔歌薤露便陟閻風九幽之地反同黃曾紫霞珠宮琳闕乎悞更甚矣夫能知生者乃能知死而夕可以死者乃正可以生夫生何以知死何以可此各人切已事非關三聖人事也太史當更有以振我矣太史性好遊亦與予同近則邑百里內外山水之間時時杖履及之遠則南遊吳楚嘗同予問道於夏侍御敬孚先是已訪無可方大師於青原遇於泰和之蕭寺聽其說法者七日後聽施愚山先生講學於白鷺洲歷匡廬歸宗開先將

結茅於玉簾泉未果而歸已而庚申復南遊登釣  
臺過吳興止雲間存諸故舊廣攬名賢搜異書纍  
纍如陸賈裝也時或布袍草履易姓名與市兒屠  
沽油油然人不識也桐城方樓崗學士偶至廣陵  
一大僚問之曰公同年生有方吉者乎方愕然大  
僚曰旦有懷是刺見顧者問何事曰自山東來將  
訪道於豫章微聞其從者曰已丑進士也故以問  
公方曰此必予友唐濟武也拆其唐字爲姓名耳  
追之不及而所至輒以良藥濟人至武林時適七

閩林鐵崖觀察藁葬湖上者多年所矣妻孥流落  
不能歸君則慨然爲之備禮卜地葬焉復爲其子  
畢婚林雖已丑同籍而生時曾未一謀面也其克  
敦古人高義如此又嘗語我曰少時好奇習爲書  
符從鬼之術適一同學習其術已有驗矣一日握  
拳努目立而死乃罷其事至通籍後復以慷慨尚  
義爲豪舉見不平事輒憤然義形於色而不知人  
之切齒者深也予見君自遂初以來德日進氣日  
平犯而不校舊惡而不念殆庶幾焉此真可謂克

唐史生傳  
七  
已之學矣所謂載道之器無疑矣嘗對酒快談久之予忽睨君而笑曰君下筆伸紙已足縱橫當代矣然使銅君於承明制作之庭卽令攀韓提歐凌王轢孟於當世飢溺無濟耳此文人之事非志士所期也假如授君一節分麾千里當使數十城歌舞衽席矣君能俛首就之乎君笑謝不敏焉然而古人履綦得當庸功可決固不待奏凱而知之也大以陶公之機鑒幼度之英敏假令當年老於牖下以終其身識者固應惜之至交戰之下侃侃正

論已見一斑矣而終未得剖當世之賢奸補國家之水鏡此非爲我心惻尤甚者乎而太史怡然然則土苴世事久矣蓋知吾生之大與天地同量學者之生生有道固在此而不在彼也乃銘之曰生趣沉冥搏空爲碍壙亦何辜闢者驚惟十二萬年無一人在豈怡佳城遍恒沙界鴻鈞偃師倏忽成壞達人太觀無所不可水乍成冰影豈真我吾生有涯造物不仁鼠虫電泡何去何存肝胆楚越孰踈孰親彼夜臺宮如日涉園粲然一笑休乎天鈞

乃息乎無極之野而入乎無窮之門

康熙壬戌季夏下浣紫霞居士高珩題於六如軒

中

志壑堂詩後集卷之一

辛酉

元日

元日再賦

和張可績

周雨文邀觀燈同介菴香岩靜修分韻賦詩

得花字

西溪看梅花二首

贈成愚崑離使

贈別李思行孝廉

贈余澹心文學

贈方樓岡學士

李長白驛使復招飲

聞黃石先生有歸志

贈李嵩岑撫軍

贈劉潛夫學使

送李西林給諫歸

送高節培歸里

王信初京鄉見招先投以詩二章見謝小酌

余依韵和之

送嚴方貽侍御北上

寄王巢雲副使

贈李毅可方伯

壽成青壇年伯相國

午日寄懷李鄴園制府

西泠橋上觀龍舟

送信初歸仍用前韵



和王信初觀龍舟七絕句

和信初贈隱菴詩隱菴善琴

題吳清來撫劍停轡小像

題芥文為余所作志壑堂圖

和法黃石先生贈顧芥文七絕句

與孫海門刺史相遇于壽春菴

吳山主人出所藏謝文侯畫乞題作八絕句

寄海鹽侯大令

崧光寺同吳海木許靜修

題墨艇

贈海木

贈海木之弟清標

和海木見贈

輓海木尊大人

南湖

和吳海木南湖長歌

和海木柳枝詞

嘉禾竹枝詞

和海木登東塔排律

謁范少伯祠

題千佛閣

和海木所作舞蛟石歌

再作歌留語張曹兩侍郎

和古燈和上

嘉禾道廟題壁三絕句

陳用亶堯夫沈宏畧移樽過寓中同海木賦

謝

冷仙祠次海木韻

贈張擎菴因及海木

寄李鄴園制府

送壽靜樂學憲北上

送周介菴太守歸

題東塔寺僧壁

和吳幔坡見贈詩

幔坡將之姑蘇坐間作一律贈之行

曹尙白貽一律大書之卽和其韻

李嵩舉撫軍向人言余富家不屑屑於一切  
又聞袁太守向吳丹厓言余意惟謀道者  
也余笑謂余之富至使撫軍爲言此其家  
真不貧矣因志之一絕句

贈古燈禪師

看柴家垂桂

嘉禾道院留別桂花

答古燈禪師見贈詩

留題舊館

題吳孟舉黃葉村莊和海木

贈張可績

留輓舊主人

巖州

釣臺題壁

蘭谿卽事和海木

衢州

贈于子先儀部和葉林屋韻二首

重過南湖

赴錢珣信招遊其別墅

八絕句送海木暫歸營葬

中夜雨作不寐

支硎和可績二絕句

再過慧山鄒秦園因買酒汲水而歸同海木

用汪蛟門韻

發維揚

露筋祠舊題

癸卯年作

高郵旅宿

過宿遷

和于子先題壁

峒嶠再用前韻贈海木

過郟城再次韻

沂州曉渡

送徐鍾瑛和來韻

送房子明公車北上

志壑堂詩後集卷之一  
 六  
 一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

志壑堂詩後集卷之一

辛酉

淄川

唐夢賚

元日

歲事湖涯慢不修  
 元朝大雪臥蒙頭  
 那無除地叅  
 獅座幸不朝  
 天拜鳳樓客子呼  
 盧成磊落使君  
 致酒競綢繆  
 特書好借春秋筆記  
 取同人聚越州

元日再賦

時法黃石先生王信初京卿李西  
 林給諫李思行李海若孝廉俱隣

寓吳山

晏起吳山類僻村  
 春風消息動梅魂  
 北歸浦口巾



志登堂後集 卷之一  
車在南渡湖堤風俗存藍尾當筵歌玉樹白頭對  
酒笑銀幡同人俱有尋春約莫便輕橈憶故園

和張可績

聞道姑蘓客問津故廊響屐久成塵支硎黛色全  
經雪河渚

地名卽武林西溪梅花最盛

梅痕已綻春王粲登樓

偏作賦梁鴻舉火漫因人家園忙煞椒花頰輪與  
吳山自在身

周雨文邀觀燈同介菴香岩靜修分韻賦詩

得花字

良辰餽屋住山家結約束園待月華搗鼓將催春  
雨散燒燈不分暮雲遮升菴酒後歌雙髻許蜡狂  
來泛九霞俱醉醇醪還顧曲各翻樂府對銀花  
蹉跎半載滯湖涯元夕歸期計尙賒比舍紅亭詞  
客伴隔隣青幔酒人家圮橋望望愁承履和靖進  
遲托種花早晚西溪千樹雪扁舟還肯醉流霞

法黃石先生林西仲不至

西溪看梅花二首

風俗梅花種舊溪吳王城畔聖湖西田家望與秋

成急陌上香分竹樹齊南國登臨晴不易北人驚  
叱醉相携羅浮酒肆知何在似訪漁郎路乍迷  
迢遞秦亭山下村扁舟容與易黃昏齋壇不失蓮  
池戒園圃如聞和靖存茶熟因僧留下榻花開爲  
客夜關門挑燈奕戰相歡笑玉版新參仔細論

贈成愚崑侍御

愚谷山東柱下史輪指天垣周天市抗疏占星賀  
太平辰龍關破 天顏喜武林建節駐湖荆異數  
逢人傳更駭雷起知驚侍御船權舟預戒關門火

赤松高隱青田老人間絕學何其少使君衙散讀  
仙書曼倩公明皆草草

贈別李思行孝廉

燕市頻懷識面初吳山經歲却比閭相歡似不爲  
歸計同客翻驚乍索居響屨廊邊三日酒玉鈎斜  
外七香車小清河與般陽近鬱望江都所上書

贈余澹心文學

芒角天垣姓字寒吳山邂逅此盤餐難忘黑子談  
高允不出蒼生笑謝安話到奇人多痛哭聚來客

邸易清歡王充著述盈三尺肯借中郎一再看

贈方樓岡學士

比門瀟灑別金階癡絕三閭願易乖常念關山歸

皂帽忽逢吳越入青鞵榻來海屋還封待用白老傳事

去高峯好活埋凝碧池頭添故事却嫌摩詰費吟

懷

李長白驛使復招飲

驛騎留賓說鄭莊於今烏府數飛觴平泉再過知

花石鄴架還臨對縹緗既醉徧攜仙掌露瀨年分

餉禹餘糧龍圖門下原多士却識交情重渭陽

聞黃石先生有歸志

青鞋謝病九重知圖寫湖山偶杖藜寄傲何曾

謁貴客結隣偏許共芳卮雲亭奇字張芝草石鼓

鴻文李賀詩早晚雄藩勞一出穀城常說帝王師

贈李嵩岑撫軍

金闕丹臺舊有師西平清節九天知中原幕府群

相望早歲詞曹薄不為緩帶投壺羊叔子開樽置

驛鄭當時可從放鶴銀籠日借取冰桃示術奇



贈劉潛夫學使

留春綺席送春卮東壁光搖銀漢垂行色風篁過  
嶺賦歸時烟雨倚樓詩雲中鶴昔鷓鴣杓堂上鸞  
文蝌蚪詞欲識錦帆歌舞處夾溪桃李出茅茨

送李西林給諫歸

前年十日金臺醉醉歸不識灞陵尉於今畫舫寄  
湖山茗椀詩瓢日往還先生氣格雲霄上瑣闥花  
開門日敞錦帆得得為歸計誰家及爾賢昆弟

送高節培歸里

忠憲遺風起慧陽逢君猶似見靈光門庭立簡推

元禮氣節從容憶范滂且喜龜山籩豆在還聞首

善講堂荒撫軍便是延平李第二泉流惠澤長

李  
岑撫軍為高  
學憲公門人

王信初京卿見招先投以詩二章見謝小酌

余依韵和之

放浪江湖老病身時從高士結芳隣不過旬餽交  
三爵豈有盤餐列八珍叔夜由來傷朴畧廣川自  
昔說真醇紫陽山脚無多路杖履何嫌往復頻

元直登床舊不拘，朶頤今日報雲厨。精魂恰共三生石，潦倒驚存七尺軀。畫舫西湖蕭寺外，吳山南渡古城隅。不知黃久倪迂輩，圖寫生綃似此無。

送嚴方貽侍御北上

金甌無恙版圖新，善後機宜賴近臣。露布高飛知事定，滄江久臥念時貧。何能仗鉞三軍者，倡作躬耕百畝人。當宁常愁民力盡，烏臺莫厭奏章頻。

寄王巢雲副使

汲黯依然漢列卿，江東杯酒憶深情。琴前一鶴聲

千里膝下雙珠照，十城畫戟群推王。景畧窮經自喜鄭，康成海波如掌。惟高臥共事原，皆老弟兄。

贈李毅可方伯

紫薇垣識歲星精，正與金門奏太平。半壁經時勞轉餉，五侯計日罷專征。函關出谷惟蠲稅，海屋持籌憶將兵。早晚論功開幕府，雲璈聲動越王城。

壽成青壇年伯相國

黃髮儲隣憶釣魚，論年正好獻丹書。耆英嘉會鳩前杖，獨樂名園閣外車。堆笏盈床新畫戟，抱孫繞

滕舊充閫須知 聖主蒲輪意玉殿親傳問起居  
午日寄懷李鄴園制府

雨歇初曦照寺樓紫陽山館類清秋樓遲於越人  
將發歌舞昆明報已收蘭籍似來聽浴鼓軍撓偏  
改競湖舟漫勞繫綵銷兵甲元凱旌旂駐上頭

西冷橋上觀龍舟

六一泉邊書畫樓重來屈指四春秋山晴粉黛粧  
初出潮落英雄氣已收旗幟疑開金鎖甲鼓鉦全  
動木蘭舟分明水戰前人法祇少伊涼唱換頭

送信初歸仍用前韵

寓齋竹樹拂隣樓賓客相過有奕秋顧愷當窻花  
影亂桓伊薄暮笛聲收兼旬並苦黃梅雨刻日分  
歸就李舟晷是酒闌歌發後聯吟彷彿鳳池頭

和王信初觀龍舟七絕句

畫圖湘沅闢龍船讀罷離騷欲問天爭怪西湖添  
盛事守塘久矣罷烽烟

紅袖擁觀簇一圍旗亭鱗甲闢如飛虛循已滅孫  
恩死搖櫓還穿軍士衣

戴進叔明第一流晴窗潑墨小山幽畫樓舊址人  
知少璧月閒臨動幾秋

試馬桃堤不起塵叅寥說法證前因石泉煮茗三  
生夢付與前賢自主賓

南峯翠嶺北峯崇辛苦蘓堤說舊功綠歇紅殘鶯  
語盡無從繫纜但飄蓬

蜿蜒漁舟去復迴岳墳林墓盡蒿萊遊人簫管斜  
陽散寂寞魚龍入夜哀

湖光一碧淨玻璃醜酒湖心舟屢移正則曹娥空

續命人間那得繫長絲

和信初贈隱菴詩隱菴善琴

雲掩吳山竹樹清水晶簾幕捲三楹客窗夜話隣  
家聽不是秦聲與楚聲

灑掃虛堂拂玉徽爐烟乍裊調方希一聲落鴈平  
沙起多少勞人悟息機

淺挑輕剔入微茫一疊吳亭正壓塲定有嬋娟曾  
下問楚光明曲奏中堂

題吳清來撫劍停鞭小像

君不見前賢下帷住名山終日白雲常閉關屋頭  
花爛爛屋角水潺潺便有時橐筆三殿持斧九寰  
緩帶投壺亦自閒胡爲乎寶馬連錢在將行未行  
之間勸君遠遊賦且刪君雖埋名正朱顏自古關  
山行路難且復脫劍共君還

題荇文爲余所作志壑堂圖

鬢山之麓樹一簇中有豹舄讀書屋有時炙背或  
曝腹欹枕松風起謾謾探訪花源問訊竹久客湖  
光如轉轂何事吳山空碌碌顧虎頭寫此幅携之

露餐復風宿掉臂長歌歸去來莫待紅衣搖落開  
黃菊

和法黃石先生贈顧荇文七絕句

楊柳平川趙大年晴牕焉得起江天紫陽十日滌  
霖裡筆筆濃雲寫巨然

振施西溪買醉餘嘉禾重接待郎書窻前窻後梅

花樹歸去般陽書滿車

荇文以曹秋岳侍郎札來  
余館之吳山窩中

兩月齋頭苜蓿盤當山置榻似袁安纔聞絹素峯  
巒起對客停杯也過看

開罷山城九節蘭催花彩筆遍湖干一時江上詞  
人道除却長康潑墨難

翠嶺山皴淡水痕幾攢黃葉牧牛村可能看我蒼  
崖上攄石聽泉對瓦罇

魚書此後付征鴻吳越詩瓢日日通莫似前賢聊  
作戲鷺車一線信東風

號召笙歌着意吹吹開雨伯與龍師留君夏木重  
陰下細與晴山掃黛眉

真孫海門刺史相遇于壽春菴

吳山雨霽起微寒瞥爾相逢憶故歡曾道麒麟傷  
網罟不聞麋鹿愛衣冠篔簹谷得禪天樂祇樹林  
無行路難文正名泉依舊在寶蓮池上試來看

吳山主人出所藏謝文侯畫乞題作八絕句

渾脫瀏離氣若虹晴光十九在空中臨池八法生  
平拙一見公孫定不同 公孫大娘舞劍圖

辛勤關吏望朝霞白髮巾車子午斜或是西周來  
往慣此行未必入流沙 老子出關圖

水宿沙停傍鴈鴻尋常不過一漁翁麒麟閣上英

雄懶始識鴟夷葉葉風 漁舟圖

從來善哭數長沙司馬江州何事嗟須信潯陽皆

是淚樽前原不為琵琶 潯陽送客圖

舊事陳橋感慨深一時蹴踘論同心不緣雪夜賢

昆季床下間看瓜子金 宋人打毬圖

狂來捉月釣魚磯捧硯脫靴事總非縱酒生平老

更甚艱難誰信夜郎歸 李白醉圖

上元火樹六街歡獅子燒燈夜未闌可怪兒童偏

解事水山指與市人看 雪獅圖

矐目相將柳慢垂斜陽今古說開詞山村不少貧

夫婦莫作秦庭高漸離 瞽唱圖

寄海鹽侯大令

印床筆格曉雲侵秦駐山前仙署深軋軋車臨耕

兩犢關關衙散喚晴禽牙臺自喜鳴花縣琪樹雙

當植禁林欲識還珠橋上意兩朝編紵故人心

炭光寺同吳海木許靜修

杖履雙臨去復回五年夢破碧山隈樵歌聲起雲

岩裏似有三生圖澤來

半生半死墨琳琅驚看題名歲月長時觀諸名人詩冊甚盛  
賈島於今堪應制埋頭焉得賒賓主

題墨艇

重來路似未曾行通德門高花檻清望望武林曲  
巷近何從問訊大槐生

贈海木

鄧禹欺人笑老兵丈夫二十未成名黃金北闕方  
招隱白鷺西湖且罷盟木郭牽舟分袂色山堂下  
樵讀書聲好留醉墨題橋柱也道從今萬里行

贈海木之弟清標

維舟亭子唱勞勞伯仲英年見爾曹乍可連床分  
襪被無緣痛飲讀離騷誰傳摩詰雙珠樹不道超

宗兩鳳毛呂紀花蟲米芾石十年兄弟姓名高清標

善畫時海木將北行

和海木見贈

蕭蕭夜雨對床眠看子離筵一悵然賈島欲歸翻  
似客臯魚同恨故相憐艤舸南下斯文在詞賦東  
來吾道傳弱冠終軍安足羨機雲入洛問何年海木



尊大人厝極未葬余少有所助與襄厥事余高堂  
首沒感事何勝悵然耶

輓海木尊大人

莊披遺傳一霑襟仰止高賢思不禁門啓槐堂芳  
樹列阡連岳墓碧雲深仲珪自蓄惟名畫季札相  
傳有棄金膝下雙珠皆照乘新詩漆室漫沉吟  
五  
六  
皆實錄

南湖

放棹溪村蘆荻秋招尋烟雨舊詞樓買歌載酒尋  
常事關謝何緣與共游

瑟瑟雲林晚照湖亭亭波影立浮圖攝衣絕頂憑  
欄去便近諸天星宿無

聞亭水木見蒼涼小艇滌泗一棹長雙鶴都隨和  
靖老漁家鷗鷺自成莊

曾愛泉山風物清家家崖樹小池明此間孤館聊  
成醉不是神仙石曼卿

和吳海木南湖長歌

我昔停橈鶯脰湖湖色山光眼底無嘉禾南湖再  
登覽名與西湖孰勝乎初到西湖四顧喜欲尋南

渡宮墻址宋都已沒玉津荒惟餘鷺立空江水白  
蘓而後繼爲誰柳堤花塢仗無遺春風三月春堤  
禿恰恰黃鸝不住悲一從閩海孫恩擾伎館倡條  
跡頓掃松杉無恙冷泉亭但有靈隱門前好遊人  
畫舫戀湖中夕陽不與六橋通命酒湖心一繫纜  
無數歸橈落日紅攢峯逼出芙蓉帳尺水分爲電  
鼉宮岳墳樹近于忠肅孤山祠接陸宣公霜光宿  
願約朝典箬笠孤筇試一登裊裊名泉來碧嶂三  
三樵唱出青藤樓觀滄海斜陽滅水落金蓮路萬

折挑燈人夜數湖山輪指絮絮爲君說北郭買舟  
且醉眠嘉禾城南最可憐虹橋菴畫雲遮寺烟樹  
浮村綠漲天下榻飛舟恣遠眺范蠡湖邊携二妙  
看竹開扉客共行聽松煮茗僧來召明日聞鷄相  
蹴起暫置芳罇與綠綺簾捲長街乞巧樓舟穿近  
陌魚蝦市翠盤團繡剝鷄頭丹棹雙飛流燕尾樓  
榭雖殘烟雨明湖光正好鴛鴦戲雲物潤蒸雲夢  
澤穀紋變現岳陽記裴休故宅竹如雲報午鐘聲  
隔岸聞牽堵波上天門近祇樹園中世界分誰家

別墅露孤洲望裏雲蘿灌木稠已傾歌館猶巢鶴  
徐牽絲鷁不驚鷗嗚呼名園亦荒詞樓圯惟有阿  
育王塔猶孤峙同遊長嘆復高歌武林吳子與許  
子流光轉瞬日已曠水早年來田亦蕪田廬增稅  
佐軍興下及蠻烟與市沽吾輩逍遙還命酒醉眼  
看湖湖似斗較量鶯脰與西湖洪崖爲師浮丘友  
好乞步兵爲酒監狂來免解驢驢換筆床茶灶此  
湖中不知晉魏何云漢君不見少伯一棹五湖邊  
西施風雨共年年養魚種竹鴟夷子誰識陶朱與

計然歸憶穿針兒女席好記作歌是七夕

和海木柳枝詞

落帆西麗拂平橋惱亂薰風長舊條遲到中秋良  
夜好人家賽月動香橈

垂簾水閣罩層臺戶戶張機內局開買去合歡棗  
褲子老娘樹下數錢來

秋樹蟬笙仔細吹風開綠幄一絲絲斷魂吹出高  
樓句多半柳州乞巧詞

高冠半尺鬢雙蟬倚翠篷窗一懶然搖過斷橋三

示寧堂後集 卷之一  
五棹市備若箇不成憐

嘉禾竹枝詞

家家冒姓賣張爐小製盤絲亞唾壺選就精銅黃  
似玉稽康佐鍛也來無

蝴蝶高飛晝閉園捉迷闌草過黃昏南朝秋壑無  
消息堆肆如山蟋蟀盆

斟酌鷄鐘價太驕哥窰假借到宣窰竹根新樣翻  
來巧不許秋棚有繫瓢

家家演戲搭神臺上座城隍鼓若雷此日開光張

晏好龍旗擺隊討籤回

堂前覆水不禁愁老大終歸土一丘惟有長林聽  
謝豹一聲聲裏喚羞羞

中元鬼節賽神忙溢路長錢一瓣香烏帕蒙頭裹  
囚服殷勤赦罪禮空王

和海木登東塔排律

春波門外路塔影蘸晴湖白石橫橋偃黃金初地  
敷巍峩開古殿萃律擅名區連袂來徐庾浮踪雜  
釣屠躡高盤磴險望遠曲闌紆天日山分越淞江

水入吳罟恩乾鵲喜舟楫老漁俱阡陌人難辨星  
辰帝可呼秋林田舍黯夕照亂雲鋪雨氣荒荒渚  
風生獵獵蒲百年一蠟屐異代此浮圖蓮社猶存  
否虎谿如故無楚書藏閣峻漢守瘞墳孤鈴寂簷  
棲鶴碑留樹集鳥暇當臨水坐倦且倩人扶微醉  
稱詩伯行吟亦酒徒逍遙九節杖蘊藉五經厨子  
勇先登矣吾衰寧免夫遊心方浩渺古道未榛蕪  
回首餘情在重來問大愚

謁范少伯祠

他年猶廟貌寧是五湖心保楯棲遲苦嗚夷感慨  
深將軍還白馬少伯豈黃金敢與西施載訛傳邾  
至今

賜劍終何濟蕭然去有餘常懷松竹逕總是藕花  
居良友竒如故諸郎智已踈東門雙眼在何似老  
佃漁

題千佛閣

天風颯颯掠衣襟望裏南湖秋樹陰大似故人三  
日別烹茶重與論同心

和海木所作舞蛟石歌

踏秋投刺春波門沈子邀看舞蛟石其石嵌空侵  
 霄漢老藤怒踞張赤帟舞蛟鏡字大於升云是承  
 旨趙公之遺迹嘉禾百里曠無山此石五丁或遙  
 擲傳經艮嶽黃帕封麗譙門啓不容尺以此流落  
 尚人間花石綱使難為役同行吳子發長歌摩娑  
 千言不能釋我為作歌答吳子世間萬事如薪積  
 伯鸞儻屋皐伯通孝然土塹廬無蓆人生棄擲亦  
 偃然拭君清淚勿深惜君不見西馬橋邊徵君宅

依舊喧雜魚蝦市何曾高門畫鼓槩雙戟與子且  
 復嘯湖山人生能着幾兩屐徵君謂陳用亶堯夫

再作歌留語張曹兩侍郎

我來嘉禾繫釣舸翩翩緹高掛道人宮踏遍鴛湖東  
 塔寺買臣之墓何隆隆策杖頻來袁景倩袁實舉  
 杯數頌王無功邁人方伯袁絲太守徵歌季心郡丞酒喧闐  
 醉眼夜膏膏雍客車騎臨邛令秀木叱咤戈鋌總戎  
 公張副戎休文腰瘦文無敵及嘉宏畧兩范老子胸不同  
 范學博張公八十饒經術肇太丘一門擅詩雄陳堯

天叔 錢公放生稱長者大者化鶴小沙蟲耳信胡為

平探花舟楫遲河水選林侍郎杖屨戀吳峯秋岳我細

思之不得其故多應片帆愁見滿江紅余與吳海木各賦滿

江紅詞十餘闕索秋岳諸公和章尙未見按滿江紅亦船名也

和古燈和上

梧桐道院秋風裏午睡南窗日已斜憶自香岩聞

擊竹似曾親喫趙州茶

嘉禾道廟題壁三絕句

新詩題罷引杯徐花露餘杭總讓渠隔壁欲來尋

李觀不知非孟可成書

悵望難逢騎鶴仙閒花閒草自芊芊白頭返黑無

消息種遍階前老少年

點睛多恐化虬龍道院驚看滿壁松莫向山陰添

故事和經捲去換鸚籠

陳用亶堯夫沈宏畧移樽過寓中同海木賦

謝

良友何辭倒屣迎偏從旅邸重交情初筵常帶殷

勤色夕照猶聞剝啄聲率爾投瓊人語亂悠然擊

志望堂後集 卷之一  
鉢夜寒輕陳遵好客由來舊肯負東陽數舉觥  
作客清秋院宇深高梧碧殿日陰森養花不見陶  
元亮愛馬何如支道林遙集群賢皆拱壁行厨一  
席值兼金搗詞命酒情無極不管蟲吟動暮砧  
門外頻來長者車故人相見勝雙魚睽離多在歸  
山後意氣偏成識面初珠館壺觴增感慨瑤臺鐘  
鼓報清虛到來往往成高讌却悔河梁問訊踈  
西風薄日鴈行斜襍被經年嘆物華柱杖過頭皆  
是客綈袍煖耳漸成家狂吟寧敢稱三影爛醉何

堪泛九霞便羽衛陽應有信過歸猶見滿籬花

冷仙詞次海木韵

畧識龜著意行藏豈問仙好從新羽葆猶見舊宮  
懸畫壁方真絕如甌守獨堅此時嘉遁處應在鬱  
羅天

贈張擎菴因及海木

白髮高談定起予閒來揮淚話生初秦城不與歸  
完璧涓水何緣載後車馬角烏頭今已矣冰天雪  
窖更何如世間還有傷心事狗監無人薦子虛



寄李鄴園制府

天香仙桂拂牙旗紫閣開筵奉酒卮檻外霓裳逢  
令節軍中蹴鞠正佳時旌旄今日李光弼介冑前  
年郭子儀漸奏昇平無更祝留侯舊識穀城師

送壽靜樂學憲北上

金粟搖黃賦遠遊送君何處起重樓香街點鼓朱  
簾捲水驛開樽翠靄收佳節偏逢虎阜月同人肯  
負洞庭秋維揚自有吹簫侶不許秦淮問莫愁

送周介菴太守歸

放棹嘉禾秋雨微凄然旅邸送君歸人過北固鐘  
聲發帆落東林木葉飛作客經年書畫滿到家晚  
圃露葵肥不須悵望同遊者且掃寒山舊釣磯

題東塔寺僧壁

秋棠牆角照顏紅客子登堂正午鍾據坐主人剛  
不在閒他拄杖氣如龍

方丈齋堂一帶斜趙州行脚又天涯不緣桑下無  
三宿自向黃金長者家

和吳幔坡見贈詩

長揖頻驚玉笋班知君詞賦滿雲山棄繻年少才  
偏壯運甓身勞意正閒綠酒樽前傷鬪寂黃金臺  
下費躋攀秀才事業推文正翻在窮愁畫粥間

慢坡將之姑蘇坐間作一律贈之行

彌勒龕中賦卜居季鷹那定戀鱸魚苦吟連日愁  
蔬笋並舫明朝入闔閭豈有黃金招樂毅不妨白  
馬弔吳胥河橋青幔聊成醉記取禾城落照餘

曹尚白貽一律大書之即和其韵

柱杖披尋越絕書相逢道院正秋餘七言屈子離

騷後入法羲之搦管初坐隱不辭紗帽側清齋莫  
遣酒杯踈知君有意澄江上或向嚴陵一釣魚

李嵩岑撫軍向人言余富家不屑屑於一切

又聞袁太守向吳丹厓言余意惟謀道者  
也余笑謂余之富至使撫軍爲言此其家  
真不貧矣因志之一絕句

畫舫歸來鶴背輕浪云謀道詎非情闍黎托鉢終  
何益贏得西陵巨富名

贈古燈禪師

羅漢聞香漏聖胎鼻根不斷惹塵埃鐵舟一樣花  
千樹香過金明寺裏來

看柴家垂桂

曾聞榕樹與桄榔據地參天翠幄長不及柴家仙  
桂好黃雲如繡碧雲香

報道西風零落秋同人買棹試同遊誰知月殿娉  
羅樹正屬黃衣李鄴侯

嘉禾道院留別桂花

小株夜夜對深杯未免并州首重回好語花神須

解事人歸明日便休開

答古燈禪師見贈詩

浪仙詞賦阿繇書此事於君本緒餘竹篔罷叅得  
法後茶甌閒話未生初不緣祇樹逢人少寧識維  
摩與世踈傳道晨鐘當出定聽經夜夜放生魚

留題舊館

詩版蕭然行脚僧閒雲舒卷伴枯藤試探南北峯  
頭色翠入湖橋尙幾層

題吳孟舉黃葉村莊和海木

志學堂後集 卷之一  
半出城闔半近鄉  
鱖魚堪釣足鴻梁  
主人却愛鳥程酒  
一去經旬不返莊

離離金粟綴秋枝  
曲逕循山到每遲  
最惜芳塘搖落後  
遊人未及藕花時

贈張可績

接君書札果逢君  
蘆荻洲邊笑語紛  
惆悵難兄歸絕徼  
傳聞犬子賦凌雲  
孟郊吟苦能無瘦  
沈約詩成故不群  
畫舫一燈人未寢  
石門新月酒初醺

留輓舊主人

舊館重來又問津  
雲根銷夏酒杯頻  
殘秋曾記殷勤別  
誰解驪驂贈主人  
章侯田叔說津津  
題畫曾聞笑語頻  
紈扇卷舒還在手  
山皴水法屬何人

嚴州

指點歸雲沒斷鴻  
蘭舟此日又浮空  
新頒白帝千林紫  
欲傲花王十錦紅  
處士不離茅舍外  
神仙多在亂山中  
漁翁杯酒知何意  
正掛孤帆趁好風

釣臺題壁

示盛堂後集 卷之一  
振衣危磴酒初醒水落桐江露乍零須信好山秋  
不到經霜鳥相樹猶青

重來拄杖路從容坐看千山晚照紅不識羊裘垂  
釣意亭亭百尺對孤松

蘭谿卽事和海木

溪林彌望染晴霞返照章章透碧沙兵舫橫編如  
列雉漁家晚集顛棲鴉畦邊曳杖籬花發市上敲  
瓢帽影斜秋水行歌村酒美岸風蕭蕭動霜葭

衢州

三衢久罷守嚴邊狼火曾傳萬里烟日射寒簷耕  
耒出雨侵故壘戰書懸捕魚客集呼鷹渚刈草人  
聞秣馬船早晚昆明飛露布野人爛醉太平年  
山開水漫顛雲衢蘭漿蕭閒戰血枯坐可呼盧題  
彩鷁行將牽犬獵寒蕪客留南國開黃菊鴈與西  
風捲白蘆繫纜江干杯酒意猶然燕市舊屠沽  
生平三戰已三奔高臥難忘北闕恩閉閣楊雄  
嫌閔寂伐山康樂太囂喧人同賜餅紅綾客家在  
烹茶黃葉村容與扁舟聯句事他時把酒問歸魂

紅綻茱萸似野椒高峯采菊未成招已離東國三  
三逕更負西湖六六橋九日詩懷樽酒減一年客  
緒鬢塵銷償人花月平生債霜樹長江紅浪潮

擬登南高峯以  
事阻不果故云

贈于子先儀部和葉林屋韻二首

江干細雨布帆收良夜聯吟使客舟三戟棨門君  
自遠雙柑斗酒我何求可知葭管飛灰日不是金  
風落桂秋解纜明朝休賦別道人自昔號無愁  
青幔河橋惜別心桃花潭水較誰深荆山尺璧應

如昨滄海遺珠何處尋把酒西冷蕭寺後維舟南  
渡古城陰遲人節鉞重來事記取挑燈續越吟

重過南湖

南湖猶是看花船沽酒還來擊小鮮客子壯遊情  
汗漫鄉人惜別語纏綿重經橋李耆英會漸近楓  
橋橘柚天座上鄒枚皆好事那無詞賦滿山川

赴錢珥信招遊其別墅

一丘一壑總開顏處處金鋪擬閉關仙子欲乘鸞  
鶴地道人志在水雲間不知複榭遮何樹多恐蓬

元鑿堂後集 卷之一  
壺借此山已向蒲團成小隱藏經閣上御風還

八絕句送海木暫歸營葬

旅夜挑燈案屢移  
篷牕聽雨共吟詩  
也知返棹無多日  
便似關山折柳時

維舟長水夜屏扁  
似爲攤書杯酒停  
三月畫橈來往慣  
孤帆明日女陽亭

閭門有約莫蹉跎  
竚望支硎銷翠螺  
橘熟共傳冬樹好  
洞庭畢竟與誰過

炙絮無緣拜墓門  
夜闌剪燭話黃昏  
臨封馬鬣情

多少莫與霜楓較淚痕

弔人白兔與慈烏  
補出中郎掃墓圖  
斗酒牛眠傾不盡  
稍分餘瀝別西湖

拂拭茶鐺置筆床  
虎丘一任畫船忙  
千人石上空圓月  
自約同尋響屨廊

不爲石尤去棹遲  
榜人繫纜漫生疑  
到來千日中山酒  
看寫姑蘓三柳詞

無錫山前樹欲然  
春申澗下水如烟  
叩門舊館人呼酒  
抱甕重來第二泉

中夜雨作不寐

窮年常戴遠遊冠不爲山川行路難於世那除名  
士氣調心祇作閉關看反裘未必爲供爨載壁何  
人亦具餐珍重家書無善狀浮籤兩字署平安  
浹歲高堂問訊踈故園十畝詎忘諸門前翳翳將  
成樹架上嫋嫋未讀書作黍來呼元直榻飛花看  
襲子雲裙屠蕪酒味尋常別况復羊羔酌敞廬

支硎和可續二絕句

久傳麋鹿走荒臺臺下寒鷗去復回好覓支公聽

說法杖藜結約過山來

館娃宮殿剩粧臺無復仙娥鼓吹回夜黑不愁山  
鬼下張燈笑共老僧來

再過慧山鄒秦園因買酒汲水而歸同海木

用汪蛟門韻

買棹指前峯溪流激澗松抱來山影碧釀出石泉  
濃率爾傳觴緩陶然隱几慵江南無此味春水綻  
波溶

畧識園丁意端明豈愛錢溪山猶閉閣疏鑿待歸



田堂古留嘉樹門深決響泉南垣孫子好位置莫

徒然

鄒園門外泉可以作池張南垣後人猶善爲山

一杖穿岩壑人間讓此閒危梁通竹塢瀑水咽松關不止成三逕原無第二山茶經須再注抱甕與人還

錫山眺望處扶杖意低徊天際浮屠出雲根蘭若

開躡空盤碧漢證道揖黃梅蠟屐平生事探可能

幾回

余三過慧泉未一至錫山

發維揚

琉璃夜火照雙眸再與開元話白頭召伯湖邊逢  
斷雨甘棠祠外逐輕鷗

蕭蕭行李一囊書比到家園已歲除蠟屐踏殘霜  
樹外吟鞭搖指落鴻餘

此行何事恨維揚舊肆當爐事杳茫錦纜未牽絲  
柳館畫船不及藕花鄉

門外驪歌欲唱時呼茶濡墨更吟詩并州俱是他  
鄉別說與瓊花知未知

露筋祠舊題

癸卯年作

元鑿堂後集 卷之一  
群小如雷恨不平却憐阿嫂太伶仃遲明彌望升  
江水好與小姑作墓銘

纓珞一龕龕社湖芙蓉小帳掩流蘓祇今驚煞江  
南客纔下秦郵唱鷓鴣

高郵旅宿

風緊天高唳鴈情珠湖細雨夜初晴近村暫覺林  
鷄唱隔岸猶聞鈴鐸聲不見黃河歸北海依然白  
浪打西城莫愁水占民田盡自有浮梁晚渡橫

過宿遷

路出江淮盡此城偏疑月近故鄉明隔年再與陽  
侯別明日初爲泰岱行白帝已知收稼穡司空何  
計奏平成故園歸去羊求在得意圖爐歲酒清

和于子先題壁

河北河南草樹齊行人歇處雁飛低何時負土公  
卿了兒女春情唱大堤

濁聖清賢價不齊淮陰城畔酒旗低莫嫌麥飯荒  
亭下聞道司空親築堤

嗣晤再用前韻贈海木

百里荒榛霧覆城與夫識路幸分明  
頻逢驛騎揮鞭過無復舳艫放棹行  
束帛論交人似昔湯泉薄浴計難成  
休文善病聊相戒但廢微吟意已清

過郊城再次韻

策蹇重來郊子城  
攬鞍猶照旅燈明  
圍人不憚瞻星出  
越客同携帶露行  
杖下奴憐蕭穎士  
泥中婢惱鄭康成  
何當跨鶴吹笙去  
一揖縵山上玉清  
是日一僕不率隱忍未責也

沂州曉渡

過山今又過沂城  
古道驂騑曉日明  
豆粥漸香人讓座  
酒爐纔沸客謀行  
瑯琊南渡才偏盛  
諸葛東耕願不成  
但道麗譙樓下水  
曾臨䟽傅照顏清

送徐鍾瑛和來韻

葉令館甥意徐陵  
著賦情長楊俱筆札  
太液占時名劍佩  
翩然至盤餐偶爾成  
何年門外轍重聽  
紫駟鳴

送房子明公車北上

昆池凱鼓奏闐闐  
恰是公車待詔年  
列國於今停

轉餉 九重此日罷籌邊  
春帆德水輕鷗外  
晴雪津門細柳前  
記取金門勞獻策  
將無遠戍復屯田

*[Faint bleed-through text from the reverse side of the page, including characters like 津門, 金門, 籌邊, 春帆, 德水, 輕鷗, 晴雪, 細柳, 勞獻, 遠戍, 屯田]*

